



Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Instructio II. De perfecta mansuetudine & tolerantia adversitatum,
præcipuè perfectionum, quas patimur ab hominibus.

[urn:nbn:de:hbz:466:1-55232](#)

mesticorum aut externorum agendum erit,
cave ne quid liberiū aut præsidentiū lo-
quare: Nam hoc est indicium alicuius præ-
minentiae super alios. Tu autem juxta prin-
cipia Spiritus, quæ tibi Deus ostendit, debes
arbitrari omnes Superiores te, & te inter
omnes judicare pessimum & ultimum, in
abortivum hominis Christiani: Si quis te
inviset, assurge & occurre illi ocyūs, & om-
ni humanitate, quâ poteris, excipe.

In omni incessu, alloquio, modo agendi,
elucebit judicium illud internum, quo te
omnium novissimum reputas, quo omnes
te pluris aestimas; huic enim iudicio ne sit
otiosum & vanum, conformandi sunt mores
externi.

INSTRUCTIO II.

*De perfectâ mansuetudine & tolerantia adver-
sitatum, præcipue persecutionum, quas
patimur ab hominibus.*

R.P. Nicolaus Lancicius vir magnæ sancti-
moniae, & scriptor religiosissimus juxtâ
ac Doctissimus in opusculis variis, quæ ma-
gnâ animi luce scripsit ediditque, Lectorem
sapienter erudit, animatque, ut multa velit pati
pro Christo. Præstat autem id imprimis, in
libello de ferenda cruce & persecutionibus,
in quo etiam septuaginta crucis ferendæ
praxes enumerat, & unam fere alteram per-
fectiorem. Ego summam doctrinæ tanti vi-
ri, hic paucis complectat, atque, id ipsius

fere verbis , ut candida & sincera scribendi
ratio , quam hic author usurpat , tantò magis in legentis animum influat , & ad patien-
tiam Heroicam permoveat.

§. I. *Quid desiderare debeat uerus Crucis amator*

Qvicunque tollere vult crucem suam &
sequi Jesum , is ex quo animo ferre, immo
& desiderare debet, quæcunque amori pro-
prio molesta accidunt. Quarum rerum clas-
sis est gemina. Sunt enim res , quæ infestant
corpus, ut morbi, dolores, insomnia, vigiliae,
aëris inclemensia, morsus culicum, latratus
canum nocturni, defectus varij in cibo, potu,
lecto, vestitu, aliorum obsequijs , quæ nobis
debentur, maximè quando sumus ægri , la-
bores item assidui sine levamine , aliorum
mores inurbani &c. Sunt deinde res aliae ,
quæ immedietè afficiunt mentem, ut sinistra
aliorum judicia, de ingenio nostro, doctrina,
aptitudine ad docendum , regendum & de
nostra virtute, de spiritu nostro , tanquam
exotico & illuso ; accusations falsæ, de-
tractions , irrisiones , reprehensiones,
complexio aliorum nostræ complexio-
ni contraria , nimius rigor superiorum ,
ariditates, desolationes, scrupuli immis-
ti à Deo &c. Hæc igitur omnia non fa-
stidiat, sed ambiat Christianum peccatum, desi-
deret inquit. Primo ut maneat in tali loco,
scilicet Civitate, domicilio , cubiculo, à quo
abhorret ejus amor proprius. Secundo ut

manc-

maneat cum talibus perlonis, & sub talibus superioribus quos habet minimè addictos, & erga quos experitur in se antipathiam quan-dam naturalem. Tertio ut tale officium & occupatio ei deferatur & imponatur, ad quam parum afficitur. Quarto ut omnia ejus dicta, facta, & res improbentur & in ma-lam partem accipientur. Quinto ut omnia ei negentur, quæ desiderat, et si concedantur alijs. Sexto ut perpetuas patiatur accusatio-nes sui, detractiones, contumelias, convi-tia, despectus, degradations, non promo-tiones, & sit tanquam signum quoddam, in quod vibrentur omnis generis molestiæ. Septimo ut ex Dei amore, & sine sua culpa faciat jacturam rerum omnium amori pro-prio placentium, dependentium à libera ho-minum voluntate, uti suat bona aliorum, de se opinio, fama, laudes, honores, officia speciosa, applausus hominum & his similia. Octavo ut nō habeat ullum sui defensore, & patronum in persecutionibus, sed sit dere-lictus ab omnibus, adeoque possit tenero af-fectu dicere cum Psalte Regio: *Pater meus & Mater mea dereliquerunt me.* Nonò ut defen-siones ejus ab eo non quæfitæ, sed sponte su-sceptæ ab aliis, cedant in majorem ejus hu-miliationem & contemptum. Decimo ut ne quidem Deus cum liberet ab ijs, quæ pati-tur, quò magis annihiletur per adversitates & contradictiones.

§. II. Quid re ipsa ab Christiano Herōe pre-
stari debat, cūm persecutionem ali-
quam patitur?

Considera imprimis an sint vera ea omnia,
quæ tibi attribuuntur tēque affligunt, an
non? nam si vera sunt, accepta quidquid
pateris tanquam poenam peccatis tuis debi-
tam, aut defectus alicujus correctionem; Si
autem vera non sunt, gaude, quod occasio-
nem habeas aliquid pro Deo tolerandi, &
ita Deum tibi obligandi & arctius devinci-
endi.

Animus tuus sit vacuus ab omni affectu
iræ, aversionis, disgustus, & vindictæ adver-
sus persecutores tuos. nec sufficiat condona-
re injuriam, sed positivo & tenero amore
eosdein prosequere, eumque amorem signis
externis prode, & quoties laderis, toties sin-
gulari, beneficio afficere stude eos, à quibus
Iæsus es, præsertim tunc, cùm ad gradum
altiorem v.g. evectus, adversarijs tuis noce-
re posses. ita suadet Christus: *Diligite inimi-
cos vestros, benefacite his qui oderunt vos.*
Matt. 5. v. 44. Conare demissione tuâ & pul-
chris agendi modis inimicos convertere in
amicos, & eos, qui tuâ causâ irascuntur ad-
versarijs, stude ad positivam erga illos bene-
volentiam adducere. attribue persecutio[n]es
tuas non eorum malignitati, sed bono zelo,
& tibi ipsi & alijs persuade, eos potius me-
reri, dum ita te exagitant.

Non

Non inquire nec curiose indaga , quid ab adversarijs contra te sit dictum , tactum aut scriptum:

Accusatus & fortè non auditâ causâ condemnatus , non te purga , sed file. Si interrogeris ab eo , qui habet ius sciendi , an deliqueris , ad id tantum præcisè responde , quod sufficit ad interrogationem , non commemo ratis aliis rebus & circumstantijs , quæ magis possunt declarare innocentiam tuam , & adversarij culpam.

Non te purga coram adversariis tuis ; nec coram iis qui sunt adversariis tuis addicti , adeoque eos aliter infernare possent ; nec coram iis , qui defensionem tui essent suscep turi , aut saltem compassuri ; nec in gene re dic : talia solere homines bonos pati. Sed potius ostende signis externis te nihil pati , uti sunt latititia , fuga , solitudinis majoris . &c.

Si accusatores tui vel censores agnoverint innocentiam tuam , & hoc tibi vel aliis significarint , noli hoc ulli indicare.

Dum vides , aliquid ex se non malum , fieri ab aliquo tibi æquali , cum tua vel nausea vel displicentia uti sunt mores quidam in urbani in comedendo , tace , nec mone , nisi te ratio officii tui ad monendum cogat , vel charitatis obligatio.

Si reprehensus es , etiam iniquè , id nemini patefacias , præsertim tali , qui à reprehensorre tuo averlus esset ; tum ne huic præbeas occa-

occasione m a versionis ulterioris , tum ne sentias aliquod levamen , quod sentiri solet , dum cruces nostras patescimus .

Similiter silentio preme leves morbos , dolores , & insomnia , & similes affectiones corpori molestas , ne ex earundem rerum manifestatione tibi tantillum solatii adsciscas .

Adverte tamen esse certos casus in quibus silere non convenit . Primò si superior jubet ut rei seriem enarras , nam in hoc casu silentium esset manifesta inobedientia . Secundò si silentium tuum vergat in periculum aliorum ; noceat communitati , domesticis , rectorate administrationi munera tui ; reddat te in eptum judicio credulorum ad occupaciones divinæ gloriæ promovendæ . Verum quia amor nostri inordinatus , obfuscat rationem , non est facile timendum , ex nostri infamazione dampnum in alios derivatum iri . Nam experientia docet multis non protinus excusationem , nec infamia incendium aliorum maledico ore excitatum potuisse restinguiri , defensionem vero multam benemerendi occasionem abstulisse ; certum etiam est , multis vere Deum colentibus , et si gravissime infamatis , fama jacturam nec officiorum ritè obeundorum munus , nec animarum lucra impedivisse . Itaque ne decipiaris in hoc negotio , primitte longas ad Deum process ; constitue te in æquilibrio , & potius ad

1100

silentium propende, denique Confessarium aut Superiorē consule, aut certe talem, quem putaveris magis propensum ad silentium.

Conare heroicā compressione exurgentis impatientiæ & multis ad Deum precibus id assequi, ut sustineas res adversas sine dolore ac mōtore partis inferioris, imo cum gaudio.

Non quære tui defensores & patronos & consolatores in adversitatibus, ne quidem pete à Deo liberationem ab iis crucibus, quæ nulli alteri nocent, nisi uni tibi. Imo, age gratias Deo pro afflictionibus & adhuc maiores pete, ut nempe te Deus in hac vita magis atterat, deprimat, & quodammodo redigat ad nihilum.

Non allevia sensum doloris percepti ex tribulationibus aut effusione lacrymarum, aut manifestatione eorum, quæ iniquè patetis, aut consideratione rerum etiam piarum & sanctorum, si absque tali consideratione possis cruces ita, uti par est, tolerare.

Non desere loca & occupationes, quarum occasione aliquid passus es, nec propter ea desiste à benè cœptis, et si multos sinistros casus eventusque in operibus sincerâ intentione susceptis experiaris. Etiam erga mortuos, qui te afflixerunt, ostende amorem tuum, orando pro illis, & honorifice de illis loquendo.

Etia 3

Etiā Cognatos & Amicos te tribulantium hoc respectu ama, & benefac eis, & omnia ea exhibe, quæ perfecta charitas præstare jubet, erga ipsos inimicos.

Si inimici tui in rebus suis habeant successus prosperos, gaudetisque ex corde gratulare; sin autem habent infelices, dole & intumē eis compatere.

Habeto illum diem pro felici & fausto, in quo passus es aliquid; illum verò pro infelici & infasto. in quo nihil passus es. juxta illud S. Climaci: *Is qui ad placidam animi quietem & ad Deum currit, omni die, quo maledicta non suscitinet, ingens detrimentum se sustinuisse arbitretur.*

Contemne adversitates tanquam res levies & nullius momenti. Nec reputa unquam pro injuria, quidquid demum inferatur, quia quotidianis nostris in Deum peccatis id omne optimè sumus meriti; potius reputa pro beneficio, quod enim in præsentii est, momentaneum & leve tribulationis nostra supra modum in sublimitate aeternum gloria pondus operatur in nobis. 2. Cor. 4. v. 17.

INSTRUCTIO TERTIA.

De amore solitudinis & silentij.

Quanto magis te abstrahis & separas ab hominibus, tanto propius accidis ad DEum. Unde si religiosus es nunquam cubiculo pedem effer, nisi aut necessitas aut charitas id exigat.

Sum-